

膚覽欽奉

俞旨疊蒙

憲檄榮也不才敢不因舊增新

以昭

典制爰取成志徹底理會詮次合
例損益相宜彙帙廿六犁然肩列
爲目三十較若支分曾無掛漏

門序二

以俟再贅一詞焉獨是繼起之
職官選舉除申文報明相應接
續添附外茲有

安撫部院徐禁革里排碑文

亟當載入藝文部中垂訓來者
蓋里排之爲害於民奚啻鳩毒
而禁革里排之有益於民如去



湯火既勒諸瑣珉請傳之通志
使千百世之下之民仰沐

安撫部院徐 愛養之實惠千
百世之下之官遵守

安撫部院徐 釐剔之美舉豈
非有關於風俗政事之大者乎

康熙二十二年歲在癸亥孟冬

門序三

穀旦

奉直大夫知廣德州事二韓

門可榮識



廣德州志序

蓋一代之興經營草創洎乎重熙累洽則文治聿宣所以為太平之潤色也我

皇上承

太祖高皇帝

太宗文皇帝

高序一

世祖章皇帝三世之鴻庥宇內底定五十餘年近則山無伏莽海不揚波此正治極而文之時矣我皇上疇咨雋茂衷益典章儀文度數以次具舉上自

郊廟內而

朝廷外而鄉國莫不勤有成書其大

者以銓叙則有品級考以見行事例則有實錄他若修勝國之史則

特命購啓禎軼事

御經筵之席則

特重孝經一書固已細大畢登幽明咸貫矣獨是我

高序二

朝幅幘萬里而

皇輿之記尚屬未備此者

允閣臣衛疏請令直省羣邑各修

地志以備採輯其式一以河南

陝西通志二書為準為目凡三

十曰圖考曰建置沿革曰星野

曰疆域曰山川曰風俗曰城池

曰河防曰封建曰戶口曰田賦
曰物產曰職官曰公署曰學校
曰選舉曰祠祀曰陵墓曰古蹟
曰帝王曰名宦曰人物曰孝義
曰列女曰流寓曰隱逸曰仙釋
曰方伎曰藝文曰雜辦

命下之日

高序三

憲檄嚴催乾惟州志始于明弘治
年次則重修于嘉靖年二書遠
不可考矣惟萬曆壬子一志為
時差近而舛謬謬殊難考信
國朝前守應山楊君再為修輯考
核詳明剗剔精工稱善本矣但
以體例不合乾何敢假手成勞

上瀾

功令無已則揖州明經戈標文學
濮陽鄒姚錄王雲王翹等而進
之曰凡為志者非文獻莫徵文
則新舊二志備矣桑梓之地聞
見切確欲求故老舍諸君其誰
與歸况諸君者又皆與修前志

高序四

之人也三五年間雖無大更張
然人物孝義列女諸目最難愜
志彼前志既成之後其物論之
可否網羅之掛漏必有非一時
所得盡者茲則再操觚矣必虛
以採聽公以持衡詳以盡義嚴
以屬詞其為志目所有者著之

如圖考建置沿革星野疆域山川風俗城池戶口田賦物產職官公署學校選舉祠祀陵墓古蹟名宦人物孝義列女流寓隱逸仙釋藝文之類是也其為志目所無者闕之如河防封建帝王方伎雜辨之類是也于是延

高序五

之公廨朝夕編摩凡閱兩月而告成嗚呼勗哉

昌期不再逢

盛典不易副徃者郡邑之志不過備一方之掌故已耳未嘗以之達

睿覽也今則

皇天子勵精圖治于上

賢宰輔勛勤佐治于下凡茲郡邑
悉將繪其土風採入通志萬一
徼幸

重瞳偶及曰桐之土薄而物瘠也如
此桐之士愿而民樸也如此桐
之賦雖不登于上錯而猶畢力

高序六

以上供也如此渙之

王言沛以

湛息桐民其有瘳乎即不惑州之才
行卓越非不項背相望也而在
遠無聞其與湮沒何異惟既入
通志則其也以政事顯其也以
文章傳其也以奇節著行將傳

之史冊流之無窮非值

今日之盛舉將何以自見于後哉
且此猶其小者也

聖天子軫念民瘼無遠弗届而茅簷
情形容有未徹

宸聰者此志一成其或得于
乙夜之披覽

高序七

離照之旁燭必將思

祖宗締造之艱難求邦本綢繆之至計
不需太史陳詩而十五國之風
已有以調其燥濕而劑其剛柔
矣文治蒸蒸日上邁古為隆則是前
有朴斲而茲則其丹雘也前有
垣墉而茲則其奎壑也誠可仰

配

三后而不顯丕承垂模于奕禩矣吾以前所言私為祠民禱而以後所陳敬為

當宁頌均在北一舉也可不勗哉

皆

康熙十二年歲在癸丑孟夏之吉

高序八

奉直大夫知廣德州事上郡高拱

乾謹撰



序

余昔令洛時固嘗從事於罷志矣弘
農十四屬洛陽實領袖之伊時二三
鄉大夫操觚執簡參伍錯綜余咸得
往復折衷焉癸卯秋仲承乏祠泃驅
車至止考鏡往轍以稽得失見舊志
舛譌即欲修茲鉅典念受事伊始政

楊序一

教未孚徒懷爵三年來荷

聖主鴻庥蝗虎無膏

各上臺寬改鷄犬不驚余始得優游
田畷父老請稼穡艱難察閭閻疾苦
也尤幸祠泃倍朴民愿諸父老頗能
諒余赤腸率之輒應如百雉城堞向
之頽若敗垣者今則屹々崇墉矣數

初宮墻向之淪于瓦礫者今則煥然
丹雘矣他若加飾城隍祠而所報有
地修葺

天使詣而皇華聿尊及夫關門以挹秀水
建橋而迓福星先後三四年次第締
造余固拮据不辭瘁諸百姓實爭趨
而不言勞迄於今一進訟簡四境晏

楊序二

如敢曰貪天爲功哉竊念長吏之於
地方率五日京兆耳郡乘一書余旣
有夙心若因循不舉以待後人恐後
人又待後人終成缺陷丁未冬適洛
陽陳明經珏願予於桐陳明經天中
名宿昔修志於弘農者也余心因愈
躍然遂謀諸學博荆君振日進諸紳

士之淹雅者如岑進士鶴陳孝廉哲
戈明經標弟子員濮陽鄒戈夔戈襄
與陳明經珏共訂之曰膏火薪爨郡
大夫之事也余不敢委諸異人微顯
闡幽諸君子幸金玉墨瀆而勿輕以
椽筆貸親知朝夕討論芟其繁蕪訂
其舛謬余猶恐聞見不廣考究不精

楊序三

自五達通衢以至三家孤村反覆採
訪不厭疊々始事於丁未冬仲授梓
于戊申春季閱五月而志成余惟今
之郡志古列國史也太史陳之輶軒
採之所以考政治所以驗風俗所以
稽物理是志所編由唐宋以迄今日
始終不紊條理咸備後人曰是求之

則桐汭一郡上下千餘年燦若指掌
不寧惟是桐之士若民當日范希文
孫莘老鄒東郭諸先生所愛養而教
迪之士若民也後之官於斯者思諸
先生之所以為政則里閭咏樂只矣
思諸先生之所以為教則泮壁頌樸
棫矣若夫查清容之恬靜王原案之

楊序四

孤忠李司空夏司馬之事業姜莊介
之清操李侍御之建白是桐汭間出
之名賢也桐之人効而尤之則正士
輩出川岳有餘輝乎至於浴兒之不
昧遺金夏女之殉節未嫁尤為委巷
楷模閨閣標的倘能今昔不殊源流
相繼是余求志夙心也夫是余求志


夙心也夫

峇

康熙七年歲在戊申季春吉旦

奉直大夫知廣德州事加一級楊苞題

於州署之觀我堂



楊序五

廣德州建平縣志序

自封建既邈而郡縣聿興別疆分域
星羅碁置

天子不下堂階而山陬海澨了然瞳矇非
恃耳目之能周亦圖籍之足徵耳然
時方草創則憑記載以稽寔世歷承
平則等空文而泛視豈知一代文獻

序一

之盛非僅黼黻太平之具乎是故志
山川津要非曰疆圉之孔固也蓋有
山谿非陰衆志成城之意焉志戶口
田賦非曰民衆土廣也蓋有赤不易
保財不可竭之意焉志人物節義非
曰培養極而人才興教化施而奇行
著也蓋有噴不可蔽善不可隱之意

焉志土俗民風非曰洞悉箕畢之攸
好周知山隄之殊尚已也蓋有調劑
剛柔轉移奢儉之意焉凡茲記載具
有深思此歷代以空文視之而
熙朝必
睿慮及之者也我

國家重熙累洽統一中外猶令直省麗邑

序二

各修地志以便來輯其為目三十而
星野山川戶口田賦人物節義土俗
民風其大端也惟茲建陽九壤土瘠
而民勞士慮而農樸夜績晝芸歟
矧有良士之遺意焉自

熙朝鼎定沐恩

聖澤奉化循良數十年來徒見山高而水